



Službeni glasnik

Općine Donji Vakuf

Broj 6/18

Donji Vakuf, 28.06.2018.god

Strana 110

OPĆINSKO VIJEĆE

97

Na osnovu člana 7. Zakona o označivanju i evidentiranju naseljenih mjesta, ulica i trgova te utvrđivanju kućnih brojeva ("Službene novine SBK/KSB" 4/16), člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 80. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, d o n o s i

ODLUKU

o nazivima i označivanjima ulica, trgova i označivanju objekata brojevima na području Općine Donji Vakuf

Član 1

Ovom Odlukom utvrđuju se nazivi ulica i trgova, uređuje se označivanje ulica, trgova, zgrada i građevinskih parcela kućnim brojevima, kao i vođenje registra ulica, trgova i kućnih brojeva.

Član 2.

(1) Nazivi ulica i trgova dodjeljuju se u naseljenim mjestima na području Općine Donji Vakuf.

(2) Izuzetno od odredbi iz prethodnog stava ovog člana posebna područja za dodjelu brojeva objektima, mogu se odrediti poduzetničkim/poslovnim zonama.

(3) Plan podjele na ulice i trgove kao grafički prikaz obuhvata ulica i trgova, sastavni je dio ove Odluke.

Član 3.

Nazivi ulica i trga sa opisom početne i krajnje

tačke u naseljenom mjestu Donji Vakuf (područje MZ Donji Vakuf I,II,III i IV) glase:

Trg IBRAHIM BEG MALKOČ - ispred hotela "Vrbas".

1. Ulica **14. SEPTEMBAR** - ide od raskrsnice ul. Nova Travnička i ul. Zlatnih ljiljana do objekta stare Osnovne škole – Aneks, uključujući isti (između k.p. 682 - 691 do k.p. 811/4).

2. **TITOVA ULICA** - ide od objekta stare Osnovne škole - Aneks do Filbarevog mosta (između k.p. 811/4 do cca 60 m od krajnje tačke k.p. 1194).

3. Ulica **NOVA TRAVNIČKA** - ide od spoja sa ul. 14. septembar do izlaza iz Donjeg Vakufa prema Travniku (između k.p. 682 - 691 do k.p. 2760).

4. Ulica **ZLATNIH LJILJANA** - ide od spoja ul. 14. septembar i ul. Nova Travnička i izlazi na ul. Nova Travnička (kod kuća porodica Šutković i Basara) (između k.p. 682 do k.p. 67 - 131/3).

5. Ulica **ŽRTAVA GENOCIDA U SREBRENICI** - ide od ul. Zlatnih ljiljana od (kuće Hasana Sarača) uzvodno uz rijeku Vrbas do ul. Sejfudina Verema (između k.p. 60 do k.p. 1633 - 1607).

6. Ulica **717. SLAVNE LAHKE BRIGADE** - ide od ul. Zlatnih ljiljana (od kuće Namika Hodžića) do granice MZ Jemanlići (između k.p. 559 - 314 do k.p. 4887).

7. Ulica **KALDRMA** - ide od ul. Žrtava genocida u Srebrenici (od kuće porodice Alkić) do ul. Dugi sokak (između k.p. 601 - 1232/2 do k.p. 583).

8. Ulica **VEREMOV SOKAK** - ide od ul.

Žrtava genocida u Srebrenici (od kuće porodica Kurić i Poričanin) do ul. Dugi sokak (između k.p. 1252/2 - 1326 do k.p. 1304).

9. Ulica **DUGI SOKAK** - ide od raskrsnice ul. Saračev sokak i ul. Klimenta do ul. 717. Slavne lahke brigade (između k.p. 1351/2 do k.p. 1327/1 - 1326).

10. Ulica **SARAČEV SOKAK** - ide od raskrsnice ul. Dugi sokak i ul. Klimenta do ulice 717. Slavne lahke brigade (između k.p. 1326 - 1600 do k.p. 1372 - 1411/1).

11. Ulica **KLIMENTA** - ide od raskrsnice ul. Dugi sokak i ul. Saračev sokak do ul. 717. Slavne brdske brigade (između k.p. 1600 - 1388/2 do k.p. 1413 - 1437).

12. Ulica **SEJFUDINA VEREMA** - ide od ul. Žrtava genocida u Srebrenici pored objekta Mješovite srednje škole Donji Vakuf i Sportske dvorane do raskrsnice ul. 717. Slavne lahke brigade i ul. Alekse Šantića (između 1607 do k.p. 1478/6 - 1537).

13. Ulica **STARO IGRALIŠTE** - obuhvata kompletan dio Starog igrališta koji se nalazi desno od ulice Sejfudina Verema.

14. Ulica **VRBASKA I** - ide od spoja ul. Žrtava genocida u Srebrenici i ul. Sejfudina Verema (od kuće Beganović Halida), a završava sa granicom mjesne zajednice Čehajići, (između k.p. 1633 - 1607 do k.p. 2348).

15. Ulica **VRBASKA II** - ide od ul. Vrbaska I a završava kod posjeda Vinčević (Sulje) Hasana, (između k.p. 2247 - 2251/11 do k.p. 2249/9 - 2251/3).

16. Ulica **VRBASKA III** - ide od ul. Vrbaska I (od kuća porodica Habibović i Begović), a završava kod kuće porodice Položan, (između k.p. 2262/1 - 2270/2 do k.p. 2261/2 - 2270/1).

17. Ulica **VRBASKA IV** - ide od ul. Vrbaska I (od kuće Kunić (Osmana) Mirsada) do spoja sa ul. Staro igralište, (od k.p. 1668 - 4587/5 do k.p. 2282/2 - 4657).

18. Ulica **VRBASKA V** - ide od ul. Vrbaska IV, a završava kod kuće Selman Eseta, (od k.p. 4605/2 - 4642/6 - do k.p. 4614/4).

19. Ulica **MALOVINA** - ide od ul. Alekse Šantića, a izlazi na ulicu 717. Slavne lahke brigade, (od k.p. 2413 - do k.p. 4584).

20. Ulica **ALEKSE ŠANTIĆA** - ide od raskrsnice ul. 717. Slavne lahke brigade i ul. Sejfudina Verema do granice MZ Jemanlići (između k.p. 1498 - 1536 do k.p. 3792/4 - 4883).

21. Ulica **DUGE NJIVE** - ide od ul. Alekse Šantića do ul. 717 Slavne lahke brigade (između k.p. 1525 - 1524/2 do k.p. 1527/9 - 1523/11).

22. Ulica **BILJEG** - ide od ul. Alekse Šantića (od kuće Zahirović Seada), a završava kod objekata Karahodžić (Ibrahima) Hajrudina, (između k.p. 1540/5 - 1506/7 do k.p. 250/6 - 3762).

23. Ulica **ENVERA HUSELJIĆA** - ide od ul. Biljeg, a izlazi na ulicu Alekse Šantića (od k.p. 2404 - do k.p. 2413).

24. Ulica **SAMIRA MUSTAFICE** - ide od ul. Alekse Šantića do objekta Kilim Sabita (od k.p. 2413 do k.p. 3784/2).

25. Ulica **KURIĆA KULA** - obuhvata područje cijele Kurić Kule (između k.p. 1438/2 - 1467 do k.p. 250/13 - 250/9).

26. Ulica **GORNJA MAHALA** - ide od ul. Zlatnih ljiljana prema naselju Rudina (između k.p. 328 - 335 do k.p. 166).

27. Ulica **MAČIĆI** - ide od ul. Gornja Mahala, a završava kod kuće Hadžića (Šerifa) Envera (između k.p. 3706/6 - 3745/2 do k.p. 3734 - 3729/2).

28. Ulica **KATKIĆ FAHRIJE KATE** - ide od ul. Gornja Mahala, a završava se kod objekta Velić (Senada) Sunite, (između k.p. 277/19 - 278 do k.p. 277/10 - 277/13).

29. Ulica **ZARFIN BOSTAN** - ide od ul.

Zlatnih ljiljana (od kuće porodice Oparđija do kuća porodica Karalić i Talić na vrhu ulice te lijevi ogranak ulice do kuće porodice Alić) (između k.p. 382/2 - 368/3 do k.p. 1406).

30. Ulica **HADŽIJUSUFOVA** - ide od ul. Nova Travnička (od kuće porodice Aščić) do ul. Zlatnih ljiljana (između k.p. 1456/1 - 509/1 do k.p. 480 - 481).

31. Ulica **VLADIMIRA NADZORA** - ide od ul. Nova Travnička (od kuće porodice Hrvačić) do ul. Zlatnih ljiljana (između k.p. 453 - 455 do k.p. 439/1 - 477/1).

32. Ulica **GAVRANOVA** - ide od ul. Nova Travnička (od kuće Halilović Nedžada) do ul. Zlatnih ljiljana (između k.p. 422 - 453 do k.p. 433/1 - 435).

33. Ulica **MESUDA RAMLJAKA ĆESE** - ide od ul. Nova Travnička (od kuće porodice Bilkan) do ul. Zlatnih ljiljana (između k.p. 408 - 424 do k.p. 396/1 - 433/2).

34. Ulica **HADŽIĆA HISE II** - ide od ul. Nova Travnička (od kuće porodice Hočkić) do ul. Zlatnih ljiljana (između k.p. 95 - 97 do k.p. 91/1 - 115/3).

35. Ulica **MUSTAFICE AKIFA** - ide od ul. Nova Travnička (od kuće porodice Mustafica) do ul. Zlatnih ljiljana (između k.p. 98 - 386/2 do k.p. 112/1 - 382/1).

36. Ulica **HADŽIĆA HISE III** - ide od ul. Nova Travnička do ul. Zlatnih ljiljana (između k.p. 82 - 87 do k.p. 85 - 90).

37. Ulica **HADŽIĆA HISE IV** - ide od ul. Nova Travnička (od kuće porodice Hadžić) do ul. Zlatnih ljiljana (između k.p. 73 - 78/1 do k.p. 75 - 77/3).

38. Ulica **FADILA EF. HADŽIĆA** koja ide od ul. Nova Travnička (od kuće porodice Hadžić do kuće Habib Adisa) (između k.p. 54 - 47 do k.p. 28/3).

39. Ulica **RUJANCI** - ide od ul. Nova

Travnička (od kuće Amira Rujanca) do stare željezničke pruge (između k.p. 6/10 - 64/2 do k.p. 22 - 26).

40. Ulica **STARA TRAVNIČKA** - ide od ul. Zlatnih ljiljana (od kuće porodice Smajić) do ul. Nova Travnička (pored harema Igralište) (između k.p. 116 - 137/2 do k.p. 2780 - 131/1).

41. Ulica **JAZ** - ide od Vatrogasnog doma, starom željezničkom prugom do ul. Rujanci (između k.p. 775 - 2370/11 do k.p. 22-26).

42. Ulica **STUDENA ĆESMA** - ide od Hadži-Jusufove džamije do kuće Kapić Saliha (između k.p. 504 - 506/1 do k.p. 523 - 526).

43. Ulica **SULEJMANA KAPIĆA** - ide od ul. Nova Travnička (od kuće porodice Zahiragić) do ul. Zlatnih ljiljana (između k.p. 649/1 - 520 do k.p. 545).

44. Ulica **6. APRIL** - ide od ul. Nova Travnička (od kuće porodice Morić) do ul. Zlatnih ljiljana (između k.p. 653 - 645 do k.p. 609 - 669).

45. Ulica **ĆOLACI** - obuhvata područje cijelog naselja Ćolaci (između k.p. 2612/1 - 2843 do k.p. 2696 - 2691/1).

46. Ulica **ISPOD STRANE** - ide od ul. Džemala Zečevića a završava ispod Sahat kule (između k.p. 881 - 873 do k.p. 761).

47. Ulica **EDIBA BENE REJHANA** - ide od objekta Vatrogasnog doma do kuće porodice Duzić (između k.p. 775 do k.p. 853/1).

48. Ulica **KOVAČI** - ide od ul. 14. septembar (od zgrade Medžlisa Islamske zajednice Donji Vakuf) do ul. Ispod strane (između k.p. 841 - 875 do k.p.).

49. Ulica **DŽEMALA ZEČEVIĆA** - ide od ul. 14. septembar (od dvorišta Pravoslavne crkve) do početka ul. Ispod strane (između k.p. 896 - 829 do k.p. 892 - 873).

50. Ulica **BOROVIK** - ide od ul. 14. septembar

(od kina) do spoja ul. Džemala Zečevića i ul. Ispod strane (između k.p. 910 - 902 do k.p. 892 - 882/1).

51. Ulica **OMLADINSKA** - ide od ul. 14. Septembar (od kuće porodice Muderizović) do ispod Bagine strane (između k.p. 921/2 do k.p. 929).

52. Ulica **705. SLAVNE BRDSKE BRIGADE** - ide od ul. Omladinska do ul. Buka (između k.p. 948 do k.p. 926).

53. Ulica **BUKA** - ide od ul. Titova (od kuće porodice Hadžijusufović) do ispod Bagine strane (između k.p. 1042 - 977/1 do k.p. 2591/4 - 1031/2).

54. Ulica **ŠLJIVICI** - ide od ul. Titova (od kuće porodice Saleta) do ispod Bagine strane (između k.p. 1070 do k.p. 1052 - 1029/2).

55. Ulica **VAJZOVIĆA SOKAK** - ide od ul. Titova (od kuća porodica Vajzović) do ispod Bagine strane (između k.p. 1097 - 1072 do k.p. 1 084/1 - 1081).

56. Ulica **POTOK** - ide od ul. Titova (od kuće porodice Zonić) do ispod Bagine strane (između k.p. 1138 - 1124/1 do k.p. 2575).

57. Ulica **ROMANA PETROVIĆA** - ide od ul. Potok do parcele 1094/1 zv. Vajzovića bašća (između k.p. 1 124/2 - 1 125/1 do k.p. 1 094/1).

58. Ulica **770. SLAVNE BRDSKE BRIGADE** - ide od raskrsnice u centru grada, odnosno od ulice 14. septembar, završava kod granice sa općinom Bugojno, (između k.p. 827 - 801 do k.p. 2332).

59. Ulica **707. SLAVNE BRDSKE BRIGADE** - ide od Doma zdravlja (bivšom željezničkom prugom) i izlazi na ul. 770 Slavne brdske brigade (u blizini benzinske pumpe Ina) (između k.p. 177 - do k.p. 1704 - 1943).

60. Ulica **VUČINAC** - ide od objekta porodice Kunovac, a završava kod granice sa MZ Vrbas, (između k.p. 2860/2 - 1775 do k.p. 2926).

61. Ulica **16. SEPTEMBAR** - ide od mosta Alije Izetbegovića, a završava na granici sa mjesnom

MZ Vrbas, (od k.p. 2371 - do k.p. 2922).

62. Ulica **GENERALA MEHMEDA ALAGIĆA** - ide od ul. 707. Slavne brdske brigade, a završava sa granicom mjesne zajednice Prusac (od k.p. 2875 do k.p. 3026).

63. Ulica **7. KORPUSA** - ide od stadiona tj. od ul. 707 Slavne brdske brigade a završava kod kuće porodice Smajić (od k.p. 1877/2 do k.p. 1859/13 - 1869/1).

64. Ulica **11. JULI** - ide od ul. 770 Slavne brdske brigade, a obuhvata objekte u nekadašnjem tzv. naselju Zagorci (od k.p. 2719 do k.p. 2207).

65. Ulica **RADNIČKA** - ide od ul. 770 Slavne brdske brigade (pored upravne zgrade šumarije) do ul. 707. Slavne brdske brigade i obuhvata područje iza Benzinske pumpe ABA, uključujući dva posebna odvojka s desne strane (između k.p. 1783 - 1754/3 prema 1830 do k.p. 1797 - 1798/1).

66. Ulica **BOSANSKA** - ide od ul. 770 Slavne brdske brigade (od kuće porodice Balihodžić) do ul. 707. Slavne brdske brigade, a obuhvata i slijepu ulicu označenu kao k.p. 1732 (između k.p. 1749/1 - 1720/1 do k.p. 1734 - 1723).

67. Ulica **POGINULIH BORACA** - ide od ul. 770 Slavne brdske brigade (od kuće porodica Ramić i Karadža) do granice naseljenog mjesta Kutanja (između k.p. 1946 - 1947/1 do k.p. 1867/8 - 3511/1).

68. Ulica **77. VRBASKA DIVIZIJA** - ide od ul. 770 Slavne brdske brigade sve do objekata vojne kasarne (od k.p. 2427/1 do k.p. 2332).

69. Ulica **ŠVAGO FAJIMA - FAJKAŠA** - ide od ulice 77 Vrbaske divizije, od objekta džamije, a završava na granici sa MZ Prusac, kao i sve sporedne ulice koje gravitiraju toj ulici, osim ulice Elvedina Šehe (između k.p. 1978 - 1949/5 do k.p. 401).

70. Ulica **ELVEDINA ŠEHE** - ide od ulice Švage Fajima - Fajkaša, a završava kod objekta Aleksić Stojana, (između k.p. 2426 do k.p. 3522/5).

71. Ulica **15. APRIL** - ide od ulice 77. Vrbaske divizije, sve do objekata izgrađenih na k.p. 3452/3 i 3450/13.

Nazivi ulica sa opisom početne i krajnje tačke na području MZ PRUSAC (obuhvata naseljena mjesta Prusac, Pribrača, dijelove naseljenih mjesta Urija i Potkraj) glase:

1. Ulica **BRANILACA GRADA PRUSCA** - ide od granice sa MZ Donji Vakuf II, a završava kod mosta na rijeci Prensja, (kod kuća porodica Sušić), (između k.p. 454 - 631 do k.p. 151/2 - 149).

2. Ulica **GEČET** - ide od mosta na rijeci Prensja, (od kuće Elkaz Nedžad), a završava kod skretanja za ulicu Tepedžik I, (između k.p. 150 - 149 do k.p. 416/2 - 555/2).

3. Ulica **TEPEDŽIK I** - ide od ul. Gečet, a završava kod kuće Žuljko Jusufa, (između k.p. 4162 - 540 do k.p. 463).

4. Ulica **REISA NAIMA HADŽIABDIĆA** - ide od ul. Gečet, a završava kod kuće Palalić Hamide, tj. do objekta Vatrogasnog doma, (između k.p. 540 - 572 do k.p. 416/2 - 555/2).

5. Ulica **TEPEDŽIK II** - ide od ul. Reisa Naima Hadžiabdića, a završava kod kuće Čepalo Himze (od k.p. 545 - 525/1 do k.p. 476 - 477).

6. Ulica **21. MAJ** - ide od skretanja za naselje Srt sa ul. Gečet, tj. od kuće Bungurač Mehmeda, a završava kod kuće Drage Radana, (od k.p. 4 do k.p. 2311/3 - 1001).

7. Ulica **SRT** - ide od kuće Kulaš Hamida, a završava kod kuće Kulaš Anadina, (između k.p. 349/1 - 339 do k.p. 263 - 339).

8. Ulica **17. AUGUST** - ide od kuće Kulaš Mirsada, a završava kod kuće Hubljar Muniba, (između k.p. 292 - 180 do k.p. 158 - 168).

9. Ulica **HASANA KJAFIJE PRUŠČAKA** - ide od kuće Nuker Muhameda, a završava kod kuće Bungurač (Hašima) Ibre, (od k.p. 337 do k.p. 111/2 - 1

557/1).

10. Ulica **BRDO** - ide od kuće Terzić Hasana, a završava kod kuće Burek Abida (od k.p. 150 - 149 do k.p. 955 - 1049).

11. Ulica **AJVAZ DEDINA** - ide od kuće Horić Hajrudina, a završava kod kuće Daul Muje, (od k.p. 955 do k.p. 656 - 659).

12. Ulica **ČARŠIJA** - ide od objekta Vatrogasnog doma, a završava kod kuće Kaniža Mirsada, (između k.p. 601 - 672 do k.p. 693 - 675).

13. Ulica **MUHAREMA HADŽI BEGANA** - ide od ulice Čaršije, a završava kod ulice Musala, (između k.p. 753 - 757 do k.p. 729 - 1058).

14. Ulica **ŠEHIDA** - ide od kuće Hadžalija Saliha do granice naseljenog mjesta Potkraj, (od k.p. 1050 do k.p. 2453 - 2471/1).

15. Ulica **MUSALA** - ide od kuće Čepalo Abdulaha zv Dule, a završava kod kuće Čepalo Abdulaha zv. Braco, (između k.p. 1095 - 1061/2 do k.p. 114/3 - 1083).

16. Ulica **AJVATOVAČKI PUT** - ide od kuće Škandro Saliha, a završava kod platoa Han, (od k.p. 1093 do k.p. 3682/1 - 3475).

17. Ulica **MUSTAFE PRUŠČAKA** - ide od ul. Brdo (od kuće Dautović Rasima), a završava kod ul. Čaršija (kod kuće Abdibegović Abdulaha), (između k.p. 828/2 - 884 do k.p. 624 - 658).

18. Ulica **STARI GRAD** - ide od kapije starog grada Prusac, a završava kod kuće Sijamija Muhameda i Atić Eniza, (između k.p. 559 - 581 do k.p. 523/1).

19. Ulica **VAROŠ I** - ide od kuće Burek Abida, a završava kod ulice Muharema Hadži Begana, (od k.p. 1056/2 do k.p. 1118).

20. Ulica **VAROŠ II** - ide od kuće Hore Senada, a završava kod kuće Hamzakadić Redže, (između k.p. 752 - 694 do k.p. 728).

21. Ulica **NOVO NASELJE** - ide od kuće Kelić Senada, i ide pored kuće Daul Dževada zv. Čedo, a završava kod kuće Silajdžija Ahmeta, (između k.p. 138/2 - 136/2 do k.p. 1037/1 - 1009).

22. Ulica **BESIMA UČANBARLIĆA** - ide od ulice Branilaca grada Prusca, a završava kod ulice Novo naselje (od k.p. 165 do k.p. 1275 - 1020/5).

23. Ulica **PAŠALIĆI** - ide od ul. Branilaca Grada Prusca, a završava kod kuća Brkić Paše, (između k.p. 615/2 - 493/3 do k.p. 510 - 614/3).

24. Ulica **RIKA** - ide od kuće Kelić (Izeta) Nijaza, a završava kod kuće Smajić Samira, (između k.p. 135/3 - 151/2 do k.p. 3679).

Član 4.

(1) Označivanje naziva ulica i trgova vrši se postavljanjem tabli od trajnog materijala.

(2) Table sa nazivima ulica postavljaju se u skladu sa planom o označavanju kojeg sačinjava nadležna Služba.

(3) Pločica sa kućnim brojem postavlja se na zgradu ili u građevinsku parcelu tako da je vidljiva s ulice a izrađuje se od trajnog materijala.

(4) Na tablici, ispod broja zgrade ispisuje se naziv ulice ili trga.

(5) Dodjela kućnih brojeva po ulicama, trgovima vrši se na osnovu plana dodjele kućnih brojeva kojeg sačinjava nadležna Služba.

Član 5.

(1) Za dodjelu kućnog broja, troškove nabavke i postavljanje pločica s kućnim brojevima plaća se naknada.

(2) Naknada se uplaćuje u korist Budžeta Općine Donji Vakuf.

Član 6.

Nadležna Služba uspostavlja i vodi Registar naziva ulica, trgova, privrednih zona i kućnih brojeva na području Općine Donji Vakuf - Adresni registar.

Član 7.

Općinsko vijeće će posebnom odlukom propisati veličinu, oblik i boju ploča sa nazivima ulica, trgova, poduzetničkih/poslovnih zona kao i pločica

kućnih brojeva, visinu naknade iz člana 5. Odluke, kao i ostalo što je potrebno za provođenje ove Odluke.

Član 8.

(1) Upravni nadzor nad provedbom ove odluke provodi Kantonalna uprava za geodetske i imovinskopravne poslove.

(2) Inspeksijski nadzor nad provedbom ove odluke provodi Kantonalna uprava za inspeksijske poslove.

Član 9.

Stupanjem na snagu ove Odluke prestaje da važi Odluka o utvrđivanju imena trga, ulica i označavanje zgrada brojevima na području Općine Donji Vakuf ("Službeni glasnik Općine Donji Vakuf", broj: 1/96, 1/01, 3/05 i 1/10).

Član 10.

Ova Odluka stupa na snagu danom objavljivanja u "Službenom glasniku Općine Donji Vakuf".

Broj: 01-23-01277/18

Donji Vakuf, 21.06.2018. godine

Predsjedavajući općinskog vijeća
Naser Rujanac s.r.

98

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 80. Poslovnika o radu Općinskog vijeća Donji Vakuf - Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ODLUKU

o naknadama vijećnika i članova radnih tijela/komisija koje obrazuje Općinsko vijeće Donji Vakuf

Član 1.

Ovom Odlukom utvrđuje se visina naknade vijećnicima, članovima Kolegija vijeća i članovima radnih tijela/komisija koje obrazuje Općinsko vijeće

Donji Vakuf.

Član 2.

Za vršenje funkcije vijećnika u općinskom vijeću utvrđuje se mjesečna naknada (vijećnički paušal) u neto iznosima, kako slijedi:

- predsjedavajući općinskog vijeća 450,00 KM
- zamjenik predsjedavajućeg općinskog vijeća 340,00 KM
- vijećnik 290,00 KM.

Član 3.

Pravo na punu mjesečnu naknadu iz člana 2. Ove Odluke ima vijećnik, ako prisustvuje svim sjednicama Općinskog vijeća održanim u toku mjeseca kao i u mjesecu kada nije bilo održanih sjednica.

Za neopravdan izostanak sa sjednice Općinskog vijeća ili neprisustvovanje najmanje većini tačaka dnevnog reda sjednice naknada se umanjuje za 30%.

O opravdanosti izostanka i umanjenju naknade iz stava 2. ovog člana odlučuje Predsjedavajući općinskog vijeća na osnovu dostavljenih mu adekvatnih dokaza od strane vijećnika i evidencije dostavljene od strane sekretara vijeća.

Pod opravdanim slučajem za izostanak sa sjednice Općinskog vijeća smatra se: smrtni slučaj u porodici, bolovanje odobreno od nadležnog ljekara, poziv na sud ili državni organ, polaganje ispita u školi ili fakultetu, termin za dobrovoljno darivanje krvi, seminar, stručno usavršavanje i druge slične situacije uz adekvatan dokaz.

Član 4.

Vijećnik koji ostvaruje pravo na naknadu iz člana 2. ove Odluke, a stupi na funkciju zaključno s 15- im u mjesecu, ostvaruje pravo na puni iznos naknade, a ako na funkciju stupi naknon 15-og u mjesecu ostvaruje pravo na pola iznosa mjesečne naknade.

Član 5.

Svi vijećnici Općinskog vijeća prisutni uredno zakazanoj sjednici Općinskog vijeća imaju pravo na neto naknadu u iznosu od 30,00 KM.

Članovi Kolegija vijeća prisutni uredno zakazanoj sjednici Kolegija vijeća imaju pravo na neto naknadu u iznosu od 30,00 KM.

Ukoliko se sjednice Općinskog vijeća i Kolegija vijeća održavaju u neradne dane i po isteku radnog vremena, pravo na naknadu u iznosu od 30,00 KM imaju i ostala lica čije je prisustvo neophodno za kvalitetan rad sjednice (Općinski načelnik, sekretar vijeća, pomoćnici načelnika, viši samostalni referent za poslove vijeća, administrator mreže, a po potrebi i drugi kad to procijeni Predsjedavajući vijeća).

Vijećnik koji u toku sjednice napušta sjednicu (a sjednica se može napuštati samo zbog neodložnih ličnih potreba), a ne vrati se u razmnom vremenskom trajanju, dužan je za narednu sjednicu Vijeća dostaviti pismeno izjašnjenje o razlozima napuštanja sjednice. Opravdanost napuštanja sjednice cijeni Vijeće prilikom usvajanja zapisnika sa prethodne sjednice Vijeća. Vijećniku čije se napuštanje sjednice ne prihvati kao opravdano neće se isplatiti pripadajuća naknada za prisustvo sjednici.

Član 6.

Članovi stalnih radnih tijela/komisija koje po Statutu Općine i Poslovniku o radu općinskog vijeća imenuje Općinsko vijeće imaju pravo na neto naknadu u iznosu od 30,00 KM, a predsjednik u iznosu od 40,00 KM, za svako prisustvo sjednici radnog tijela/komisije koja je uredno sazvana.

Ukoliko se sjednice održavaju u neradne dane i po isteku radnog vremena, pravo na naknadu iz stava 1. ovog člana imaju i ostala uredno pozvana i prisutna lica čije je prisustvo neophodno za kvalitetan rad tog radnog tijela odnosno komisije

Član 7.

Članovi stalnih komisija i radnih tijela koje na osnovu zakona imenuje Općinsko vijeće imaju pravo na naknadu, i to:

- Komisija za procjenu prometne vrijednosti nekretnina - u ukupnoj visini od 5% mjesečno naplaćenog poreza na promet nepokretnosti. U ovu naknadu uračunati su i troškovi koje Komisija bude imala u svom radu.

- Općinska izborna komisija - u skladu sa Odlukom Centralne izborne komisije BiH o visini naknada za rad članova izborne komisije osnovne izborne jedinice u Bosni i Hercegovini.

- Komisija za davanje stručne ocjene u postupku izdavanja urbanističke saglasnosti - u iznosu od 5,00 KM po jednom završenom postupku u kojem

je za donošenje rješenja o urbanističkoj saglasnosti osnov stručna ocjena Komisije za davanje stručne ocjene.

Član 8.

Članovi povremenih radnih tijela i stručnih komisija koje na osnovu zakona, Statuta Općine ili Poslovnika o radu općinskog vijeća imenuje Općinsko vijeće imaju pravo na neto naknadu u iznosu od 30,00 KM, a predsjednik u iznosu od 40,00 KM, za svako prisustvo sjednici radnog tijela ili komisije koja je uredno sazvana

Članovi povremenih radnih tijela i stručnih komisija mogu imati i veću naknadu od naknade utvrđene u stavu 1. ukoliko drugačije odluči Vijeće aktom o osnivanju odnosno imenovanju tog radnog tijela odnosno komisije.

Član 9.

Sekretar vijeća vodi računa o naknadam i obračunava naknade.

Osnova za obračun naknada članovima radnih tijela i komisija iz člana 6. i 8. ove Odluke je Informacija o održanoj sjednici koju potpisuje i Sekretaru vijeća dostavlja predsjednik radnog tijela/komisije.

Član 10.

Naknade na koje vijećnici Općinskog vijeća imaju pravo po ovoj Odluci isplaćuju se do konstituisanja novog saziva Općinskog vijeća.

Član 11.

Vijećnici i članovi radnih tijela/komisija imaju pravo na naknadu troškova za službena putovanja u visini koju ostvaruju uposlenici Općine Donji Vakuf.

Naloga za službena putovanja, kao i odobrenje za upotrebu vlastitog automobila u službene svrhe, odobrava Općinski načelnik na prijedlog Predsjedavajućeg vijeća.

Član 12.

Predsjedavajući općinskog vijeća ima pravo na troškove telefona u iznosu od 1/5 mjesečnog paušala vijećnika Općinskog vijeća.

Član 13.

Ova Odluka stupa na snagu danom objavljivanja u "Službenom glasniku Općine Donji Vakuf".

Član 14.

Danom stupanja na snagu ove Odluke prestaju da važe odredbe svih akata koje se odnose na naknade vijećnicima i članovima radnih tijela/komisija koje imenuje Općinsko vijeće.

Broj: 01-14-01278/18

Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

99

Općinsko Vijeće Donji Vakuf na 16. redovnoj sjednici održanoj 21.06.2018. godine, na osnovu člana 61. Zakona o građevinskom zemljištu Federacije Bosne i Hercegovine ("Službene novine Federacije BiH", broj: 25/03, 16/04 i 67/05) i člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16), donosi

RJEŠENJE

1. Utvrđuje se pravo vlasništva na građevinskom zemljištu u korist **Kulašin (Ramiz) Mehmed**, iz Gornje Mahale, Donji Vakuf, kao graditelju poslovno-proizvodnog objekta, upisanog u Zemljišnoknjižnom uredu Općinskog suda Bugojno kao k.č. br. 1137/93, iz ZK ul. br. 4914, "Prilazni put u krugu Janja", površine 11 m², SP Donji Vakuf odnosno u Katastarskom uredu Općine Donji Vakuf kao k.p. br. 1231/108 iz PL br. 309, "Prilazni put", površine 11 m², KO Donji Vakuf I, sa upisanim pravom vlasništva i posjeda u korist Općine Donji Vakuf^{1/1} dijela.

2. Kulašin Mehmed dužan je, u roku od 15 dana od dana pravosnažnosti ovog Rješenja, uplatiti naknadu za zemljište iz tačke 1. dispozitiva na žiro račun Općine Donji Vakuf, broj: 1011 3300 0000 6907, Privredna banka Sarajevo, Poslovnica Donji Vakuf, vrsta prihoda 722431 i to:

- za dodijeljeno građevinsko zemljište 176 KM (stotinusedamdesetšest konvertibilnih maraka);
- za uređenje građevinskog zemljišta 2.946,45

KM (dvijehiljadedevetstotinačetrestšet konvertibilnih maraka i četrdesetpet feninga);

- na ime pogodnosti 1.007,50 KM (hiljadusedam konvertibilnih maraka i pedeset feninga).

3. Na zemljištu iz tačke 1. dispozitiva ovog Rješenja po pravosnažnosti istog i predocenom dokazu o uplati naknade za građevinsko zemljište iz tačke 2. dispozitiva, Zemljišnoknjižni ured Općinskog suda Bugojno i Katastarski ured Općine Donji Vakuf izvršit će uknjižbu prava vlasništva i posjeda u korist **Kulašin (Ramiz) Mehmed**, iz Donjeg Vakufa, Gornja mahala, uz istovremeno brisanje ranije izvršenih upisa na tom zemljištu.

4. Obavezuje se Kulašin Mehmed da u roku od 8 dana od dana prijema ovog Rješenja na žiro račun Općine Donji Vakuf, broj: 1011 3300 0000 6907, otvoren kod PBS Donji Vakuf, vrsta prihoda: 722131, poziv na broj: 0907036000, općina: 026, na ime takse uplati 100,00 KM (stotinu konvertibilnih maraka), svrha doznake: taksa na rješenje.

O b r a z l o ž e n j e

Kulašin Mehmed, iz Donjeg Vakufa, Gornja mahala, podnio je zahtjev da mu se na osnovu člana 61. Zakona o građevinskom zemljištu utvrdi pravo vlasništva na građevinskom zemljištu iz tačke 1. dispozitiva ovog Rješenja na kome je izvršio (do)gradnju postojećeg poslovnog objekta.

Zahtjev stranke je razmotren i utvrđeno je sljedeće:

- Da se radi o građevinskom zemljištu, detaljno opisanog u tački 1. dispozitiva ovog Rješenja na kojem je zemljišnoknjižno upisano pravo vlasništva odnosno katastarski je upisano pravo posjeda u korist Općine Donji Vakuf sa $\frac{1}{1}$ dijela.

- Da je predmetno zemljište prethodno imalo status Javnog dobra i da je, uz prethodno pribavljeno pozitivno Mišljenje OJP Bugojno, Općinsko vijeće Odlukom, broj: 01-05-02092/17 od 27.11.2017. godine utvrdilo da je predmetno zemljište izgubilo status javnog dobra;

- Da se predmetno zemljište nalazi u Donjem Vakufu i pripada II zoni gradskog građevinskog zemljišta (16,00 KM za 1 m²);

- Da je Kulašin Mehmed dobio Rješenje o urbanističkoj saglasnosti, broj: UP1-05-23-00283/16 od 21.06.2016. godine za legalizaciju bespravno

(do)građenog poslovnog objekta u Donjem Vakufu, u ulici 770. Slavne brdske brigade na predmetnom zemljištu;

- Da se Općinsko javno pravobranilaštvo /pravobraniteljstvo Bugojno svojim aktom, broj: M-9/18 od 08.05.2018. godine očitovao pozitivno o predmetnom postupku legalizacije i Rješenju.

Član 61. Zakona o građevinskom zemljištu regulira da na građevinskom zemljištu u državnoj svojini-vlasništvu na kojem je izgrađena zgrada bez prava korišćenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, općinsko vijeće će utvrditi pravo vlasništva u korist graditelja odnosno njegovog pravnog sljednika uz obavezu plaćanja naknade za dodijeljeno građevinsko zemljište na korišćenje i za uređenje građevinskog zemljišta s tim da se prije utvrđivanja prava vlasništva imaju raspraviti imovinsko pravni odnosi.

Visina naknade za dodijeljeno građevinsko zemljište utvrđena je u skladu sa članom 62., 63. i 64. Zakona o građevinskom zemljištu tj. naknada za dodijeljeno zemljište je tržišna vrijednost nekretnine koja je utvrđena u iznosu od 176,00 KM dok su naknada za uređenje građevinskog zemljišta (2.946,45 KM) i naknada za pogodnosti (1.007,50 KM) utvrđene Rješenjem o urbanističkoj saglasnosti, broj: UP1-05-23-00283/16 od 21.06.2016. godine.

Administrativna taksa u iznosu od 100,00 KM se naplaćuje u skladu sa Odlukom o Općinskim administrativnim taksama, tar. br. 18. ("Službeni glasnik Općine Donji Vakuf", broj: 5/08).

Na osnovu gore izloženog odlučeno je kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja ne može se izjaviti žalba, ali se može pokrenuti upravni spor pred Kantonalnim sudom u Novom Travniku u roku od 30 dana od dana prijema ovog Rješenja. Tužba se podnosi neposredno navedenom Sudu u dva istovjetna primjerka.

Broj: 01-31-01279/18

Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

100

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 80. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

RJEŠENJE

o razrješenju dužnosti predsjednice
Komisije za žalbe

I

OPARDIJA MERIMA razrješava se dužnosti predsjednice Komisije za žalbe, zbog podnesene ostavke.

II

Ovo Rješenje će biti objavljeno u "Službenom glasniku Općine Donji Vakuf".

Broj: 01-05-01284/18
Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

101

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ZAKLJUČAK

uz Rješenje o razrješenju dužnosti predsjednice
Komisije za žalbe

I

Potrebno je, Komisiji za izbor i priznanja, u roku od 15 dana dostaviti prijedloge za novog

predsjednika Komisije za žalbe.

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-05-01305/18
Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

102

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf na 16. redovnoj sjednici održanoj 21.06.2018. godine, donosi

ZAKLJUČAK

o davanju saglasnosti na Konačnu listu dobitnika
stipendije za akademsku 2017/2018 godinu

I

Daje se saglasnost na KONAČNU LISTU DOBITNIKA STIPENDIJE ZA AKADEMSKU 2017/2018 GODINU.

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-05-01280/18
Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

103

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ZAKLJUČAK

o prihvatanju Izvještaja o stanju u oblasti poljoprivrede

I

Prihvata se IZVJEŠTAJ O STANJU U OBLASTI POLJOPRIVREDE ZA 2017. GODINU.

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-24-01281/18

Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

104

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ZAKLJUČAK

o prihvatanju Informacije o stanju zaštite od požara i vatrogastva na području Općine Donji Vakuf

I

Prihvata se INFORMACIJA O STANJU ZAŠTITE OD POŽARA I VATROGASTVA NA PODRUČJU OPĆINE DONJI VAKUF.

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-44-01282/18

Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

105

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ZAKLJUČAK

po aktu Kantonalnog tužilaštva Travnik

I

Kantonalnom tužilaštvu Travnik, vezano za akt "Naredba za preduzimanje radnje za ovlaštenu službenu osobu", dostavit će se informacija slijedećeg sadržaja:

" - Općinsko vijeće Donji Vakuf je na 6. redovnoj sjednici donijelo Odluku o razrješenju Upravnog odbora JU Dom zdravlja Donji Vakuf (broj: 01-05-01284/17 od 06.07.2017. godine), a Općinski načelnik je 07.07.2017. godine uložio pismeni Zahtjev za preispitivanje ove Odluke. U Zahtjevu je naveo da se do donošenja odluke po podnesenom zahtjevu Odluka o razrješenju Upravnog odbora JU Dom zdravlja Donji Vakuf neće primjenjivati.

PRILOG: Zahtjev Općinskog načelnika za preispitivanje Odluke o razrješenju Upravnog odbora JU Dom zdravlja Donji Vakuf

– Zahtjev Općinskog načelnika temeljen je na odredbama člana 44. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) kojim je regulisano:

"Općinsko vijeće odnosno Općinski načelnik

može u roku od tri dana nakon donošenja odluke ili drugog akta zatražiti da Općinsko vijeće, odnosno Općinski načelnik preispita odluku ili akt koji smatra neustavnim ili nezakonitim ili čije izvršenje bi moglo proizvesti nepopravivu štetu po interese ili imovinu Općine.

U slučaju iz prethodnog stava nadležni organ dužan je preispitati svoju odluku, odnosno akt u roku od 30 dana i obavijestiti Općinsko vijeće odnosno Općinskog načelnika o svojoj odluci, do kada se taj akt neće primjenjivati, odnosno izvršavati.

Kada Općinsko vijeće, odnosno Općinski načelnik potvrdi svoju odluku, odnosno akt Općinsko vijeće, odnosno Općinski načelnik može u roku od 15 dana pokrenuti postupak preispitivanja odluke, odnosno akta pred nadležnim organom u skladu sa Ustavom i zakonom."

Istu odredbu sadrži i Zakon o principima lokalne samouprave ("Službene novine Federacije BiH", broj 49/06) – član 20.

- Zahtjev Općinskog načelnika za preispitivanje Odluke o razrješenju Upravnog odbora JU Dom zdravlja Donji Vakuf razmatran je na 7. redovnoj sjednici i isti je odbijen.

PRILOG: Zaključak o odbijanju Zahtjeva za preispitivanje Odluke o razrješenju Upravnog odbora JU Dom zdravlja Donji Vakuf, broj: 01-05-01465/17 od 07.08.2017. godine

- Odluka o razrješenju Upravnog odbora JU Dom zdravlja Donji Vakuf, dostavljena je svim članovima i to:

- Hamzakadić Selmiru, putem pošte 19.07.2017. godine
- Pavić Šarić Dinki, putem interne dostavne knjige 17.07.2017. godine
- Palalić Hamidu, putem interne dostavne knjige 21.07.2017. godine

PRILOG: Kopija: akta o dostavi, dostavnice i stranice interne dostavne knjige

- članovi Upravnog odbora JU Dom zdravlja Donji Vakuf su razriješeni dužnosti prije isteka njihovog mandata, po prijedlogu vijećnika u kojem je kao razlog navedeno da se razrješava UO JU Dom zdravlja povjerene im dužnosti radi kršenja odredbi člana 66. Zakona o zdravstvenoj zaštiti ("Službene novine FBiH", broj 46/10), člana 43. i 44. Statuta JU

Dom zdravlja Donji Vakuf, člana 2. i 3. Pravilnika o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove ("Službene novine FBiH", broj: 10/12, 15/13, 90/13, 83/15 i 22/16) i člana 12. Pravilnika o radu JU Dom zdravlja Donji Vakuf, pri određivanju posebnih uslova javnog konkursa za izbor i imenovanje direktora JU Dom zdravlja Donji Vakuf.

PRILOG: prijedlog Odluke o razrješenju Upravnog odbora JU Dom zdravlja Donji Vakuf

- Općinskom vijeću nije dostavljen konkurs za izbor i imenovanju direktora JU Dom zdravlja Donji Vakuf niti je Upravni odbor bio obavezan da ga dostavi, pa Općinsko vijeće ne može niti je nadležno da cijeni ispravnost raspisanog konkursa."

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-05-01283/18

Donji Vakuf, 21.06.2018. godine

Predsjedavajući općinskog vijeća
Naser Rujanac s.r.

106

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na 16. redovnoj sjednici održanoj 21.06.2018. godine, donosi

ZAKLJUČAK

o zakazivanju tematske sjednice Općinskog vijeća

I

Za srijedu, 27.06.2018. godine sa početkom u 18 sati, zakazat će se tematska sjednica Općinskog vijeća na kojoj će se razmatrati tematika upisa učenika u Mješovitu srednju školu Donji Vakuf.

Na sjednicu će se pozvati:

- direktor Mješovite srednje škole Orahovčić Asim, koji treba da pripremi potrebne materijale koji će se vijećnicima dostaviti do utorka, kao i članovi Upravnog odbora;

- direktori Osnovnih škola koji će vijećnicima dati podatke o tome koliko je učenika izašlo iz Osnovnih škola u protekle tri godine, gdje su otišli u srednju školu i zbog čega.

II

Ovaj Zaključak će biti objavljen u "Službenom glasniku Općine Donji Vakuf".

Broj: 01-05-01293/18

Donji Vakuf, 21.06.2018.godine

Predsjedavajući općinskog vijeća
Naser Rujanac s.r.

107

Na osnovu člana 24. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) i člana 88. Poslovnika o radu Općinskog vijeća Donji Vakuf – Prečišćeni tekst ("Službeni glasnik Općine Donji Vakuf", broj: 5/17 i 7/17), Općinsko vijeće Donji Vakuf, na tematskoj sjednici održanoj 27.06.2018. godine, donosi slijedeći

ZAKLJUČAK

I

Općinsko vijeće Donji Vakuf je stava da bi nadležno Ministarstvo trebalo da sagleda mogućnost uvođenja cenzusa kod upisa učenika u srednje škole i omogućiti upis minimalno jednog odjeljenja četvorogodišnjeg obrazovanja uz mogućnost jednog odjeljenja trogodišnje škole u Mješovitoj srednjoj školi Donji Vakuf.

II

Mišljenja smo da nadležno Ministarstvo, u saradnji sa školama, treba da izradi odgovarajuću četvorogodišnju strategiju koja bi bila osnov za prevazilaženje problema odliva učenika iz matičnih u susjedne općine. Također, da se iznađe način za efikasnije i brže otvaranje novih stručnih odjeljenja u

školama.

III

Upisna politika u srednje obrazovanje treba pratiti potrebe tržišta rada.

IV

Općinsko vijeće će, u saradnji sa školama sa područja Općine Donji Vakuf, formirati stručni tim koji će biti okosnica u praćenju i kreiranju obrazovne politike na području Općine Donji Vakuf.

V

Općinsko vijeće podržava stav Predsjednice sindikata uposlenih u Mješovitoj srednjoj školi Donji Vakuf iznesen na Tematskoj sjednici Općinskog vijeća 27.06.2018. godine.

VI

Tražimo od zastupnika u Skupštini Srednjobosanskog kantona, a koji dolaze sa područja Općine Donji Vakuf, da od resornog Ministarstva traže informaciju o kapitalnim ulaganjima u škole sa područja Općine Donji Vakuf, te da istu informaciju dostave Općinskom vijeću.

VII

Ovaj Zaključak će biti objavljen u "Službenom glasniku Općine Donji Vakuf".

Broj: 01-05-01326/18

Donji Vakuf, 27.06.2018.godine

Predsjedavajući općinskog vijeća
Naser Rujanac s.r.

NAČELNIK OPĆINE

108

Na osnovu člana 38. i 110. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16), Općinski načelnik, donosi

ZAKLJUČAK

o odobravanju angažovanja lica za stručno osposobljavanje bez zasnivanja radnog odnosa

I

Nakon okončane procedure po Javnom

oglasu za prijem lica sa završenom visokom stručnom spremom za stručno osposobljavanje bez zasnivanja radnog odnosa, koji bi prva radna iskustva sticali u javnim preduzećima i javnim ustanovama te drugim pravnim subjektima, u skladu sa iskazanim interesom pravnih subjekata, odobrava se angažovanje lica na teret Budžeta Općine Donji Vakuf, kako slijedi:

a) Javna ustanova Dom zdravlja Donji Vakuf:

1. Kurić Evel, diplomirani inženjer medicinske radiologije
2. Šego Aldin, bachelor radioloških tehnologija

b) Javna ustanova Centar za kulturu, informisanje i sport Donji Vakuf

1. Kulaš Minela, bachelor poslovne ekonomije
2. Verem Selma, bachelor općeg prava

c) JU Dječiji vrtić Donji Vakuf

1. Šeho Merjema, bachelor pedagogije i psihologije

d) Javno komunalno preduzeće "Gradina" d.o.o. Donji Vakuf

1. Beganović Suada, bachelor ekonomije

e) Zemljoradnička zadruga "AT" Donji Vakuf

1. Durek Sanita, magistar poljoprivrede smjer voćarstvo

f) "ESOF" d.o.o. Donji Vakuf

1. Duvnjak Almina, bachelor poslove ekonomije
2. Hadžić Adna, bachelor inženjer poljoprivrede voćarsko-vinogradarski smjer
3. Magrdžija Almedina, bachelor inženjer poljoprivrede voćarsko-vinogradarski smjer

g) Veterinarska stanica d.o.o. Donji Vakuf

1. Nezić Orhan, diplomirani veterinar

h) Mješovita srednja škola Donji Vakuf

1. Zahirović Nermina, profesor biologije - bachelor

II

Pravni subjekti iz tačke I ovog Zaključka će angažovati navedene osobe počev od 01.06.2018. godine.

III

Pravnim subjektima iz tačke I ovog Zaključka će se, sa budžetske stavke 614533 "Prijem pripravnika/volontera", obezbijediti mjesečno po

angažovanoj osobi na ime naknade iznos kako slijedi:

- za osobe sa završenom VSS – VII stepen stručne spreme ili visoko obrazovanje drugog ili trećeg ciklusa Bolonjskog sistema studiranja 200,00 KM i topli obrok u iznosu od 8,60 KM x broj radnih dana u mjesecu, sa pripadajućim porezima i doprinosima.

- za osobe sa završenim prvim ciklusom Bolonjskog sistema studiranja 100,00 KM i topli obrok u iznosu od 8,60 KM x broj radnih dana u mjesecu, sa pripadajućim porezima i doprinosima.

IV

Pravni subjekti obavezni su Službi za privredu, finansije i inspekcijski nadzor dostaviti zaključen ugovor o angažovanju za stručno osposobljavanje bez zasnivanja radnog odnosa na određeno vrijeme (do 12 mjeseci), te da redovno mjesečno dostavljaju dokaz o isplaćenju naknadi i pripadajućim porezima i doprinosima.

V

Ovaj Zaključak će biti objavljen u "Službenom glasniku Općine Donji Vakuf".

Broj: 02-34-00932/18

Donji Vakuf, 21.05.2018.godine

Općinski načelnik
Huso Sušić s.r.

SADRŽAJ

R.b.		str.
	OPĆINSKO VIJEĆE	
97.	Odluka o nazivima i označivanjima ulica, trgova i označivanju objekata brojevima na području Općine Donji Vakuf	110
98.	Odluka o naknadama vijećnika i članova radnih tijela/komisija koje obrazuje Općinsko vijeće Donji Vakuf	115
99.	Rješenje o utvrđivanju prava vlasništva na građevinskom zemljištu u korist Kulašin Mehmeda	117
100.	Rješenje o razrješenju dužnosti predsjednice Komisije za žalbe	119
101.	Zaključak uz Rješenje o razrješenju dužnosti predsjednice Komisije za žalbe	119
102.	Zaključak o davanju saglasnosti na Konačnu listu dobitnika stipendije za akademsku 2017/18 godinu	119
103.	Zaključak o prihvatanju Izvještaja o stanju u oblasti poljoprivrede za 2017. godinu	120
104.	Zaključak o prihvatanju Informacije o stanju zaštite od požara i vatrogastva na području Općine Donji Vakuf	120
105.	Zaključak po aktu Kantonalnog tužilaštva Travnik	120
106.	Zaključak o zakazivanju tematske sjednice Općinskog vijeća	121
107.	Zaključak	122
	Načelnik općine	
108.	Zaključak o odobravanju angažovanja lica za stručno osposobljavanje bez zasnivanja radnog odnosa	122